

sation di quello, con ducati 120 al mexe *ut in parte*. Andò in renga sier Gasparo Malipiero savio a terra ferma, dicendo: « È mal butar via questa spexa e il Colegio non sente tal opinion ». Li rispose dito sier Zacaria: « È ben », e il Consejo era pregno di la relation di l'Emo, *licet* fosse tardi. È *judicio meo* mala parte, e fa confusion in campo e mete discussion: *tamen* ave 56 di no, 120 de sì, e fu presa. E fu tolto il scurtinio, tolli numero 22, tre non si provono come sarà notado di soto, et rimase dito sier Zacharia Dolfin, el qual poi rimasto, andò in renga e si excusoe non poter andar, non pol cavalechar per la doja di schena l'ha preso quando el fo capitano a Padua al tempo di l'asedio, et cussi refutoe. Nè fo fato altro.

Fu posto, per sier Thomà Mozenigo procurator, sier Piero Balbi, sier Antonio Zustinian dotor savii dil Consejo, sier Marin Zorzi dotor, et sier Gasparo Malipiero savii a terra ferma, di dar conduta a domino Malatesta da Sojano qual è più zorni in questa terra, e havia 50 homeni d' arme con fiorentini, 242\* ch'el sia tolto a' nostri stipendii con 50 homeni di arme *ut in parte*. Contradisise sier Nicolò Trivixan savio a terra ferma. Li rispose sier Marin Zorzi dotor. Poi parlò sier Piero Trun savio a terra ferma. Li rispose sier Gasparo Malipiero. Andò la parte, ave 98 de sì e 54 di no; et fu presa.

Et il Consejo di Pregadi vene zoso a hore 3 1/2 di note.

*Scurtinio di provedador zeneral in campo  
justa la parte*

|                                                                          |        |
|--------------------------------------------------------------------------|--------|
| Sier Zorzi Emo fo provedador zeneral in campo, qu. sier Zuan el cavalier | 52.101 |
| Sier Marco Antonio Loredan fo del Consiglio di X, qu. sier Zorzi         | 23.130 |
| Sier Anzolo Trivixan fo capitano a Padoa, qu. sier Polo                  | 47.107 |
| Sier Hironimo Contarini fo proveditor in armada, qu. sier Francesco      | 45.104 |
| Sier Piero Querini fo cao del Consejo di X, qu. sier Antonio             | 62. 88 |
| Sier Piero Balbi el savio di Consejo, qu. sier Alvise                    | 67. 89 |
| Sier Leonardo Emo fo provedador in brexana, qu. sier Zuan el cavalier    | 29.128 |
| † Sier Zacaria Dolfin fo capitano a Padoa, qu. sier Andrea               | 78. 72 |
| Sier Alvise Dolfin fo proveditor in la Patria del Friul, qu. sier Dolfin | 39.113 |

|                                                                                                             |        |
|-------------------------------------------------------------------------------------------------------------|--------|
| Sier Zuan Vituri fo proveditor zeneral in la Patria di Friul, qu. sier Daniel                               | 25.132 |
| Sier Vettor Moroxini è proveditor sora le pompe, qu. sier Giacomo                                           | 16.138 |
| Sier Bortolameo Minio fo podestà a Padoa, qu. sier Marco                                                    | 6.149  |
| Sier Hironimo Contarini fo capitano a Padoa, qu. sier Bertuzzi proveditor.                                  | 43.104 |
| Sier Paolo Zorzi che è camerlengo di Comun, qu. sier Hironimo                                               | 26.129 |
| Sier Andrea Loredan fo Cao dil Consejo di X, qu. sier Nicolò                                                | 72. 80 |
| Sier Marin Morexini l'avogador di comun, qu. sier Polo                                                      | 48.110 |
| Sier Domenego Contarini fo Cao dil Consejo di X, qu. sier Mafio.                                            | 45. 95 |
| Sier Piero Marzelo fo proveditor zeneral in campo, qu. sier Giacomo Antonio el cavalier                     | 47.107 |
| Non. Sier Francesco Falier el cavalier podestà et capitano a Vicenza, qu. sier Piero                        | .....  |
| Non. Sier Andrea Trivixan el cavalier è luogotenente in la Patria, qu. sier Thomà el cavalier               | .....  |
| Non. Sier Francesco Capelo el cavalier fo proveditor zeneral in la Patria, qu. sier Cristofolo, per la caxa | .....  |

Fu posto, per li savii da terra ferma, di elezer per Colegio cinque zentilhomeni nostri in quelle differentie di Andre, in loco di quelli cinque che zà altre volte fonno electi, i quali debano aldir tutti quelli pretendessero aver raxon sopra ditta ixola; et fu presa. Ave 29 di no, 108 de sì. E cussi, in execution, a di .. Zener, in Colegio fonno electi li sotto scripti:

Sier Piero Pasqualigo dotor cavalier, è di la zonta, qu. sier Filippo.  
Sier Francesco Donado el cavalier, è di Pregadi, qu. sier Alvise.  
Sier Francesco da cha' da Pexaro, è di Pregadi, qu. sier Hironimo.  
Sier Alvise Gradenigo, fo cao dil Consejo di X, qu. sier Domenego el cavalier.  
Sier Ferigo di Renier, è proveditor sopra le camere, qu. sier Alvise.